

História Scholarum

Sædag: 737.

Cracovienſe gymnaſ. Eliſabet.


113722

I kal.komp.

Mog. St. Dr.

Technici Joh: Pythagoras Philoſ. anti-
quiſſ. Inſtituta et præcepta de ſilen-
tio, comestione frugali, examine uni quo-
ſidiano etc.

1648.



Q. D. B. V.

PYTHAGORÆ
PHILOSOPHI

ANTIQUISSIMI
INSTITUTA ET PRÆCEPTA

DE
SILENTIO, CONVICTU FRUGALI,
EXAMINE SUI QUOTIDIANO,
ALIISQUE VIRTUTUM
OFFICIIS,

MONENDÆ JUVENTUTI
ACCOMMODA,

IN SCENA DECLAMATORIA
GIMNASII ELISABETANI

A.D. XXVI. NOVEMB. 1648.

HORIS AB VIII. MATUT.

EXPLICANDA ET RECITANDA
INDICIT

M. JOHANNES FECHNERUS.

WRATISLAVIÆ.

TYPIS BAUMANNIANIS,



LECTORI BENEVOLO

Salutem, Observantiam, Amorem.

Lib. 17.
c. 15.



Arneades Academicus, uti prodidit de illo Noctium Atticarum elucubrator Agellius, scripturus adversum Stoici Zenonis libros, superiora corporis elleboro candido purgavit, ne quid ex corruptis in stomacho humoribus ad domicilia usq; animi redundaret, & constantiam vigoremq; mentis labefaceret. Tantâ curâ, tanto apparatu vir ingenio præstanti ad refellenda, quæ scripserat adversarius, aggressus est. Idem facere addecebat eos, qui acuto veteres invadunt graphio & eorum placita convellunt & antiquant. Videmus nempe multos ex illis, qui sibi hanc sumunt potestatem, elleboro opus habere, & iudicio non satis purgato majores accusare, aut errorum insimulare. Equidem scio antiquos sapientum dormitasse aliquando, & non ubiq; fuisse Argos. Habent suos nervos, habent suos errores. Sed rara est arbor illa, quæ stolones ab radice non emittat: quis tamen ideo totum pometum à stirpe incidendum putat? Deputat potius stolones, ut arbores conservet. Ita in antiquitate eruditâ versandum valde censeo. Removendi errores, conservandi autores, qui per traducem doctrinæ secundissimæ omnem sapientiam

ad



113722

I 60

ad posteros feliciter propogarunt. Verum uti sua cuiq;
sponsa, sua cuiq; Melenis placet: ita typho arrogantia
decepti pleriq; sua tantum scita exosculantur, aliena vero
superciliosè despiciunt: Cumq; in viuentes & videntes
aciem suam educere non ausint, ut ex quilini vultures mor-
tuos & mutos incurfant, qui non sunt remorsuri. Cautè
sanè & providenter! Nam uti Junius in satira Tigilli- Juven.
Sat. 1. v.
155. 170.
num vivum ponere non sustinet tunica molestæ metuens,
sed experitur;

Quid concedatur in illos,

Quorum Flaminia tegitur cinis atq; Latina:

Sic hi defunctorum scripta, quæ aliàs cum blattis rix-
antur, lancinant, ut lectores ad singulas plagas e scena ve-
lut acclament; Vapula Papyria. Scilicet hic mos est are-
næ literariæ: unco trahitur cæsus in spoliarium ab illo,
quocum in eodem ludo altus educatusq; fuit. Ac per me
quidem omnia protinus sint alba; neq; laureolam, quam
ex isto mustaceo captant, cuiquam detraxero. Vexent,
vellicent, jugulent antiquos Cæsij, quiq; omnium acerri-
mè hanc pugnam pugnant,

Præcipui sunt, fitq; illis aurea barba.

Perf. Sat.

Sed si verum admittere audemus, prisca Sapientes et- 2. v. 58.
jam muti causam suam pulchrè tuentur & insultus quos-
vis facile sibi defendunt. Arcana enim & mystica ipsorum
Philosophia horribilem ac sacram præ se fert faciem, quâ
ceu Ægide cordatos etiam in stuporem, imperitos vero
in saxa protinus convertere valent.

At, in quiunt rosores & osores vetustatis; dogmata

veterum Philosophorum sunt paradoxa pleraq; & Aphennis obscuriora, quæ nemo percipere potest. O demonia hominum! Ad intima penetrandum; non exterior saltem & obiter inspectanda Sapientiæ facies. Sunt obscura, sunt paradoxa dogmata veterum, non curiosis profundæ veritatis scrutatoribus, sed vulgo, & qui vulgo tantum sua probant studia. Horum verò puncta si experiri debent Sapientes, actum est de solidâ & verâ eruditione: sic enim sapientissimi quique vel testularum suffragiis prementur, vel pro elleboro potionem Letheam bibere jubebuntur. Notum est, quid apud illas ipsas Artium inventrices Athenas Anaxagoræ & Socrati contigerit, qui doctis optimisque viris

Juven.
Sat. 7. v.
206.

Nil aufæ præter gelidas conferre cicutas.

Stat. Ge.
neth. Lu.
cani. v.
69.
Erasmi.
1. 7. Apo-
phth.

Non est pro Democrito Democratia. Exeste igitur his adytis, his sacris, ô profani; ex este, qui vulgo vocem operamque venditis grati popularitate Magni. Sapientem esse oportet, qui sapientem agnoscat, ait Xenophanes. Hic enim non sensum, ut vulgus, sed intellectum advocat in consilium, ac de Sapientiâ judicat sapienter, & in foro, ut Icti vocant, competenti. Ergo sicut artifex metallicus argentum mineris natalibus effossum non abiicit, quia scorias habet admixtas; sed his adustis & ablatis metallum parum putumque in manus hominum mittit: Ita vir literarum veterum exequentissimus non proculcat thesaurum prisce eruditionis, quia obscuritate aliquâ horret, sed illum ex arcanâ eruit favissâ & remotâ obscuritatis nebulâ intimo nitore illustrem in dium profert & in

Et in secula ire jubet. Quod si verò quis pertendat, veterum placita propter adfatas alicubi opiniones absurdas esse tollenda; illi si fuerit rerum non admodum gnarus, aut literarum antiquarum solens, suademus, ut suspendat judicium, Et Pyrrhonis in Academia sequior^{V. Valles. Sac. Philof. c. 62.} frequentatum illud ^{ἐμὲ} sibi usurpet. Si vero fuerit artium cognitione probe instructus, illi liberum permitendum est judicium: hoc tamen ipsi reponendum simul censemus; si veterum dogmata non usquevq³ sunt proba, disciplina certè illa rigidior adstrictiorq³, cujus fuere servantissimi, omninò approbanda venit. Non patiebantur olim Sapientiæ doctores juventutem futili lusu aut Milesis deliciis frangi, sed ad severitatem, continentiam, frugalitatem dignas sapiente bonoq³ virtutes maturè teneros adsufacebant animos morum ^{ἀγνους} accuratissimi. Revocanda erat hæc disciplina, præsertim hac virtutum sterili tempestate, quæ cum Seneca querendum^{Lib. 1. de Ben. c. 10.} mores esse everfos, regnare nequitiam, res humanas in deterius & omne nefas labi. Res ipsa loquitur, quid efficiat laxa illa Et remissior educatio Mitiorum, qui Cincinnatulos suos molli brachio Et malacum in modum tractari postulant. Mollem Et rosis instratam semitam ad eruditionem nobis præstruimus, Et asperam illam veterum viam Et contentissimam vivendi rationem imitari refugimus.

Atq³ ut alios è censu veteri Philosophos latere pati-
ar, quis hodiè Pythagoræ consummatissimi Sapientis insti-
tuta in scholas postliminiò reducenda statuatur? Quan-

V. Cic. 1. *quam enim nomen Philosophi, quid hic primus sibi*
& 5. T. Q. *tribuit, cum nomen Sapientis jam alii ante ipsum occu-*
Val. max. *passent, quivis Sapientiae doctor usurpare amat, nemo ta-*
lib. 8. c. 7 *men modum informandi, quo usus est, sequi curat. Du-*
ra nimis & dura prope ejus videtur disciplina, uti qui-
dem vulgò describitur.

Inter cætera Silentium illud, ad quod adstrinxit
auditores, malè, imò malignè interpretantur pleriq³, qui
literis id commendarunt. Tàm laxè nimirum illud acci-
piunt, ut Pythagoræi notissimo vulgi cavillo pro continuæ
cujusdam & superstitiosæ taciturnitatis exemplo principe
differantur. Ipsum Pythagoram modo silentii magistrū,
modò Samium piscem, modò stupendum verborum Euclio-
nem vocant, qui loqui grande piaculum putaverit, quiq³
religione obstrictus perpetuò tacuerit. Quid hoc est
aliud, quam facere ex homine disertissimo fruticem, trun-
cum, lapidem infantissimum, qui nullam edere queat
vocem. Næ hæc hyperbole supra fidem est. Nam
qui possim dicere tacuisse eum, qui totam ætatem discen-
do & docendo contrivit? Atqui ego affirmare ausim,
neq³ Platonem in Academiâ, neq³ Aristotelem in Lyceo æ-
què vocalem fuisse, quam in scholâ suâ Pythagoram. Sed
benè est: tuctur optimum Philosophum illud in νοῦνο βίω e-
jus frequentissimum dictum; ἄνδρς ἔφα. Diseruit ergo
reliquis tacentibus & silentium indixit, non sibi; sed au-
ditoribus, neq³ omnibus; sed initiandis. Totam Silentij
hujus decantatissimi rationem Agellius ex Tauri Philoso-
phi relatu in Articis suis Noctibus luculenter exponit,
cujus verba sanè adscribam: Eum

Vid. A-
dag.
Eras. tit.
Taciturnitas.

Epigram
Incerti
d estat.
Pyth.

Laert. in
Vit. Pyth.
V. Max.
1. 8. c. 15.

Lib. 1. c. 9.

Eum, qui exploratus ab eo (Pythagorâ) idoneusq; fuerat, recipi in disciplinam statim jubebat, & tempus certum tacere: non omnes idem, sed aliud alijs tempus pro æstimato captu solertiæ. Is autem, qui tacebat, quæ dicebantur ab alijs audiebat. Neq; percontari si parum intellexerat, neq; commentari, quæ audierat, fas erat. Sed non minus quisquam tacuit, quam biennium. Hi prorsus appellabantur intra tempus tacendi audiendiq; ἀκροατοί. Ast ubi res didicerant rerum omnium difficillimas tacere audi-req;, & esse jam cæperant silentio eruditi, cui erat nomen ἐχρησθία; tum verba facere & quærere, quæq; audissent scribere & quæ ipsi opinarentur expromere potestas erat. Hi dicebantur in eo tēpore μαθηματικοί, scilicet ab ijs artibus, quas jam dicere atq; meditari inceptaverant: quoniam Geometriam, Gnomonicā Musicam cæterasq; item disciplinas altiores μαθηματικά veteres Græci appellabant. Exinde his scientiæ studijs ornatī ad perspicienda mundi opera & principia naturæ procedebant. At tunc deniq; nominabantur φυσικοί. *Haftenus Agellius. Ecce tibi ordinem concinnam disciplinæ Pythagoricæ, quæ & tacendi & loquendi metas constituit certas. Injunxit igitur Pythagoras silentium rudibus & ἀνεωμετέτοις, ne scilicet, ut Laer-L. 2. c. 2. tius scribit, quæstionibus & altercationibus implicarentur, neq; a temerariâ provocatione, sed a sobrio & attento silentio Sapientiam auspicarentur. Neq; hoc adeo abhorruit ab aliorum Doctorum institutione.*

Isocrates

Stobæus **I**socrates non tacendi, sed dicendi Magister celeberrimus
 ex Max. recepturus in disciplinam juvenem quendam linguacem
 S. 15. & blateronem duplicem ab eo mercedem postulavit;
 unam, ut doceret tacere; alteram, ut doceret loqui.
 Ac recte quidem: Hermathena enim seu Svada prudens
 V. Agell. in castra sua non admittit graculum streperum, qualis
 I. I. N. c. Thersites ille Homericus, futilis & importunus locutor,
 15. cujus os ἀπύλωτον linguam vagam & petulantem cohibere
 nesciebat. Ulysses illa amat prudentem & considera-
 tum, qui ἐκ στήθεος verba promit. Miretur vulgus
 locutulejos istos, qui multum tinnunt & verborum tur-
 bam expeditissime funditant. Nam hi plerumque impru-
 dentes & impudentes cum securitate loquuntur, & pro-
 dunt se esse, ut Eupolis scitissime loquitur, ἀγίςκας λαλῶν,
 V. eund. ἀδυναθῆπότες λέγειν, i. e. ut Salustius interpretari vide-
 ibid. tur, loquaces magis, quam facundos. Si sapientis, si-
 eloquentis est omni laterum contentione multa variaque
 declamare & detonare, verborum illi nundinatores
 ἀγρτα erunt omnium sapientissimi, omnium eloquentis-
 simi, qui Periclem, Platonem, Gorgiam, omnes denique,
 quot quot fuerunt unquam, aut sunt, Oratores, Philoso-
 phos, Sophistas suam vocalitate obtundere queant. Sapi-
 ens, qui est & eloquens, simul & prudens est: omnis
 vero prudens verborum parcus est, & voces prius in
 corde concipit, in διανοία deinde ruminat, & demum ore
 prodit, ne quicquam temere illi excidat & fugiat ἐκ τοῦ
 ὀδοῦτων, ut Homerus os consignatissime indigitat. Docti
 & consummati viri vocem populo non vendunt, non vul-
 gant

gant linguam, sed amant modestum & moderatum sermonem, quod veterum pluribus exemplis confirmat Maxi-Serm. 15.
mus inter Platoricos posteriores maximus. Hoc ergo voluit, hoc docuit Silentium Pythagoricum. Inhibuit illud futilem loquentiam, viam præstruxit ad Sapientiam & Eloquentiam. Verbo: removit garrulitatem, cui nulla subiecta est scientia. Sic Pythagoras ad Puteal Sapientiae eloquentis causam suam pulcrè tuetur. Atq; utinam disciplina hæc in scholas revocari possit, ut importunis interpellatoribus, intempestivis disputatoribus & declamatoribus, h. e. nugatoribus os alicubi obstruatur, & adolescentes prius discant loqui, quam loquantur. Sed Sigalion silentium mihi imponit, & in aurem mihi susurrat illud vulgatum; quid Polydamas Hectora. Revertar itaq; in Pythagoræ *νοῦς βίον*, in quo etiam rigidi quidam censores victum huius Philosophi frugalem & hortensem cœnam respuunt & damnant. Communis enim opinio prodidit, Pythagoram clementiâ quadam supersticiosâ pecudes cedere & carnibus animalium vesci nefas esse duxisse & dixisse, quod apud Nasonem personatus Pythagoras Lib. 15.
hoc inter alia epiphonemate pathetico explicat. Met.

Heu quantum scelus est in viscere viscera condi,
Congestoq; avidum pinguescere corpore corpus,
Alteriusq; animantem animantis vivere letho!

Hoc autem dicunt ex monstrôsâ & impiâ *μετεμψυχώσεις* seu transmigratione animarum profluere, quam idem Naso Ibid.
fictio & picto sermone Pythagoræ ita dedit descriptam;

B

Morte

Morte carent animæ semperq; priore relictâ
Sede novis domibus vivunt, habitantq; receptæ.
Huc venit, hinc illuc & quoslibet occupat artus
Spiritus, eq; feris humana in corpora transit.

*Atq; hæc quidem opinio olim in Græcia Magna fu-
it receptissima. Ipse Ennius Latinæ Poesios stator somnia-
vit, animam suam fuisse in Homero, quod Satiricus his
Perf. sat. 6. v. 10. notat versibus:*

11.

Cor jubethoc EnnI, postquam destertuit esse
Mæonides quintus pavone ex Pythagoræo.

*Verum cordatiores hanc μετεμψύχωνν ceu somnorinam
imaginem & phasma inane rejecerunt; imprimis Lu-
In Gallo. cianus cognomento Blasphemus hoc dogma festivum in
modum & pro consuetâ sibi dicacitate perstringit.
Et nos quidem Christiani non possumus non illud detestari,
cum hominem brutis exæquet & animam ejus spiritum
nobilissimum & divinæ auræ particulam corpori bestia-
rum immittat. Poterat tamen hic forte quis suspica-
ri, hanc animarum transmigrationem ex morali, non na-
turali Pythagoræ Philosophiâ explicandam esse atq; ad
mores hominum levium & perditorum respexisse Samium
hunc Sapientem. Causa suspicandi hæc esse videtur:
V. Valles quia ejus Philosophia est ferè symbolica, præsertim
De. S. P. Ethica, quod symbola ejus aurea disertè loquuntur, in
c. 16. quibus frequentissimum est, hominum vitia animanti-
um nominibus insinuari. Hausit enim omnem suam sa-
pientiam partim ex Orphei & poetarum Theologiâ fa-
bulosâ, partim ex Sacerdotum Ægyptiorum hierogly-
de Fin. phicâ*

phicâ Doctrinâ : Sed hæc saltem est suspicio, non sententia
 dogmatica. Hoc verò etiam atq; etiam notandū arbitror,
 quod discipuli ejus, qui ævo illi fuere proximi, doctrinam de
 animæ immortalitate, cujus is primus inter paganos Philo-
 sophos auctor communi doctorum suffragio prædicatur,
 remotâ illâ *μετεψυχώσιν* exponant, atq; aliter, quam vul-
 gus scriptorum. Zamolxis Legislator Getarum (non
 Gothorum, ut habet vulgaris error) Pythagoræ præcep-
 toris de immortalitate animarum sententiam inter Scy-
 thas barbaros propagavit, qui cum morerentur, autu-
 mabant, se ad Zamolxin profecturos esse, ut auctor est
 Herodotus. Platonis quæ fuerit sententiâ eadem de re, ex Melpom.
 Dialogis ejus, Axiocho præsertim est cognitissimum. ^{c. 13.}
 Deferri ibi affirmat Socrates bonorum animas *εἰς χωρίον*
τῶν εὐσεβῶν, siue concilium beatorum, uti Cicero inter-
 pretatur. Hæc assertio tradux est doctrinæ Pythagori-
 cæ: unde conijcere licet, multa Pythagoræ imputata fuis-
 se, quæ Pythagoræorum quorundam fuere dogmata ex Ma-
 gistri ore aut non fideliter aut parum rectè excepta. Cer-
 tē animalium cædem & mactationem nefas esse haut qua-
 quam putasse cum, vel unicum hoc verbum, quo inven-
 tum quoddam arithmeticum hecatombe seu centum boum
 mactatione dignum æstimavit. An a religione tam a-
 lienum ipsum fuisse dicamus, ut vel victimas Deo offerre
 impium duxerit, quia hoc sine sanguinis profusione fieri
 nequit? Credat id, qui volet Nasoni fabulanti, qui illam
 ipsâ *μετεψυχώσιν* in numero & censu fictarum *μεταμορφώσεων*
 ponit. Uti ergo in sacrificiis pecudes cedere nefas non pu-
 tarit

De
 Senect.

tauit Pythagoras, ita neq³ ex conviviis carnes omnino
removit. Esitasse enim ipsum carnes & selectiores qui-
dem, laudatus supra N. A. scriptor hisce verbis fa-
Agell. 1
4. c. 1^a cit testatissimum: Opinio vetus falsa occupavit & con-
valuit, Pythagoram Philosophum non esitavisse ex
animantibus. Item abstinuisse fabulo, quem *νίανον*
Græci appellant. Sed Aristoxenus Musicus vir li-
terarum veterum diligentissimus, Aristotelis Philo-
sophi auditor in libro, quem de Pythagora reliquit,
nullo sæpius legumento Pythagoram dicitum quã
fabis. Porculis quoq; minusculis & hædistenuiori-
bus victitasse, idem refert Aristoxenus. Quam rem
videtur cognovisse ex Xenophilo Pythagorico fami-
liari suo & ex quibusdam alijs natu majoribus, qui
ab ætate Pythagoræ haut multum aberant. Ac de a-
nimalibus Alexis etiam poeta in comœdiâ, quæ
Pythagoræ vita inscribitur, docet, Plutarchus quoq;
homo in disciplinis gravi autoritate, in primo libro-
rum, quos de Homero composuit, Aristotelem Phi-
lophum scripsit, eadem ipsa de Pythagoricis scri-
pisse, quod non abstinerunt edundis animalibus,
nisi paucâ carne quadam. Hæc Agellius; quo
certè teste, imo iudice, absolutus est Pythagoras a-
crimine superstitione abstinentiæ. Commendaverat suis
victum frugalem & hortensem, qui ex olusculis, legumi-
nibus, bulbis & pomis constat, cui Apitio instructore non
est opus, quiq; sine impensâ facile possit parari. Pro-
hibuerat contra esum quarundam carniû succi parum
salubris.

*salubris. Hoc quidem ex auditoribus rupices per vorse
 intelligebant ac si omnium omnino animalium esum dam-
 naret, & ad solum terrestrem & incruentum cibum se-
 ctatores suos adstringeret. Hinc error ille communis
 in populos nationesq; dimanavit, quem quidam literis
 inferere non sunt veriti, ne scilicet ignorarent curiosi ne-
 potes, quid Pythagoras in cœnam suam inferri jussisset,
 qui cunctis animalibus abstinuit. Tollatur error, &
 patebit veritas clarissima. Frugalitatem hortenses ille
 dapes ostentant, quas primo homini in ipso Paradiso De-Gen. 1.
 us commendat, quas prisce genij sapientes Siculis &^{29.}
 Alexandrinis mensis longè præferunt Talis Platonica
 cœna, ad quam Timotheus Cononis filius invitatus^{Plutarch.}
 ommissis opiparis Ducum epulationibus properavit, dicens:<sup>in Sym-
pos.</sup>
 Qui cum Platone cœnant etiam postero die benè habent.
 Quin ipse voluptatis magister famosissimus Epicurus^{Juven.}
 teste Satirico fuit exiguis lætus plantaribus horti:<sup>Sat. 13. v.
122.</sup>
 Idem prædicavit se paratum esse cum Jove de felicitate^{Stob. l.}
 certare, si aquam haberet & offam. Vocati ad cœnam^{16.}
 Trimalchionis dubiam & sumtuosam Cynici vel Socratici
 non comparebunt, dicentq; se malle domi salem lingere
 & rapis vesci, quas Romulus in cœlo etiam comesse scri-
 bitur, quam adipata frui mensâ. Ad parabilem vi-
 ctum suum advesfecerunt stomachum, qui oluscula &
 cramben bis appositam non fastidiat, qui non respuat ter-
 ræ nascentia, quæ emere facile queat Sapiens, cui plerum-^{Juven.}
 q; res domi angusta, & rara in arcâ Pieriâ, ut cum Sari-^{Sat. 8.}
 rico loquar, quadrans. Id Socrates demonstrare voluit,^{Bras. l. 3.}
 qui ar.<sup>Apoph.
ex Plu-</sup>*

qui quendam ex amicis conquerentem, quod Athenis omnia magno venirent, manu prehensum e macello duxit in forum farinarium; obulo, inquit, semisextarius venit, non igitur omnia magno in urbe veniunt. Qui paucis & necessariis contentus est, vilem sibi facit annonam. Gulosos, ventres, decoctores perditissimi, qui nepotino sumtu instruunt convivias & unâ comedunt patrimonia mensâ, cédant saginam, querant per omnia elementa delictos cibos, concinnent struices patinarias, ut standum sit,

In Mc- si quid ab summo petas, uti parasitus ille Plautinus loqui-
næch. a. tur. At qui Bonæ Menti & Sapientiæ operantur, gu-
i. f. i. læ imperare discant, & Pythagoricam, Socraticamq; ex-
struant mensam, cogitantes illud Persianum:

Sat. 3. Est tibi far modicum, purum & sine labe salinum,
Quid metuas? cultrixq; foci secunda patella.

Sed ut ad oleas revertamur, præter silentium & frugalem convictum Pythagoras auditores suos quotidiano conscientie examine seipsos probè excutere jussit, ut ita in vitam, mores, studia accuratè inquirerent. Quamobrem subinde illum Homeri versum ijs occentavit:

V. Eras
I. 7. A-
poph.

Eidyll.

II. De
Vir. Bon.

Πῇ παρέβην, τίδ' ἔρεξα τί μοι δέον ἔκ' ἐπέλεον. Hanc ἀνεγείνων
Pythagoricam Ausonius Eidyllio inclusit non invenusto,
quod dignum est visum, ut Virgilij i.e. optimi Poetæ carminibus & catalectis adjungeretur. In eo præter alia officium Viri Boni, & ejus, qui bonus evadere studet, in explorandis suis defectibus & profectibus his ad mentem Homeri & Pythagoræ expressit carminibus:

Non prius in dulcem declinet lumina somnum,
Omnia quàm longi reputaverit acta diei,
Quid prætergressus, quid gestum in tempore, quid non,
Cur illi facta decus absuit, aut ratio illi?

O aureum

O aureum prorsus monitum, cui *παράκλητον* illud divinum *Γωδὶ σέαυτον*,
 quod e cælo cecidisse Juvenalis adfirmat! Quid enim quæso dici potest melius
 ad vitam aut recte instituendam aut emendam? Sanè tam necessarium, tam
 Salutare præceptum juventuti jugiter erat inculcandum. Experimur enim nos,
 qui Scholæ nostram addiximus operam, expermur, inquam, sed non sine cordolio
 & animi dividiâ, quam cerea sit illa ætas in vitium flecti, quam crebro ad diver-
 gia voluptatis & improbitatis dilabatur profligatissimæ seculi moribus corrupta,
 ita ut in viam rectam omnibus modis sit revocanda. In bivio Hercules est constituta,
 ubi litera Pythagoræ discrimine secta bicorni in geminos porrigitur
 tramites. Hic profectò opus est dubitanti dux viæ, & *εὐόδιος* Hermes, qui dex-
 tram virtutis viam commonstret relicto ab levâ vitio.

Sat. 12.

Epigr.
 in cer. de
 Lit. Py-
 thagoræ.

Cum igitur superioribus diebus Auson I fortè Eidiyllia lætitarer,
 & jam ad laudatum modo ventum esset carmen sive acroama Pythago-
 ricum, quod inscribitur de Viro Bono, dignissimum mihi visum
 reperisse argumentum, quo in publicâ aliquâ Declamatione adolescen-
 tes ad probitatem & emendationem vitæ excitarentur. Ac simul mi-
 hi in mentem erant Agellianæ illa disertatiuncula supra laudatæ,
 in quibus exactius, quam vulgò Silentium & Convictus frugaliter Py-
 thagoricorum auditorum explicatur. Has non minus juventuti scho-
 lastica monenda commodas censebam, ut quem non latebat, ei, qui ope-
 ram suam scholis addixisset, id unicè agendum esse, ut discipulos non
 tantum doctos, sed & probos olim producat. Eo itaq; sine Instituta
 ista Pythagoræ & alia quædam ejusdem Apophthegmata & a-
 croamata publicè exponenda & repetenda indixi.

Exercitia illa scholastica Die crastini, Deo clementer annuente,
 in Auditorio Gymnasii nostri supremo habebuntur, ad quæ audienda
 Vos Viri Magnifici, Strenui, Nobilissimi, Amplissimi,
 Perreverendi, Consultissimi, Experientissimi, Clarissimi,
 Spectatissimi, Præstantissimi, Domini & Patroni submissè
 colendi, Fautores & Amici multum honorandi, hoc Program-
 mate officiosè invitamus obnixè rogantes, ut si per negocia graviora
 licuerit, Musas nostras invisere, & per bihōrii spaciæ auricularem
 nobis operam pro solitâ erga literas faventiâ præbere, ne dedignemini.
 Nos Vobis paratissima observantia & honoris studia redhostimenti
 loco sanctè pollicemur, Deum precantes, ut Vos incolumi in Republicâ
 incolumes quam diutissimè conservet.

P. P. Die xxv. Novemb.

Anno Orbis Redemti M DC XXXVIII.

Series

SERIES PERSONARUM ET RERUM.

Elias Hönlisius VratisL. dicet

Prologum.

Declamabant Adolescentes,

Johannes Laurentius Ura-
tisL.

*Contra Silentium Pythago-
ricum.*

David Pontanus Namsla-
viensis,

Pro Silentio eodem,

Andreas Girsnerus Ura-
tisL.

Contra Garrulitatem,

Daniel Bischoff UratisL.

*Contra Victum hortensem
Pythagoraeorum,*

Zacharias Kampusch Ura-
tisL.

Pro Victu eodem,

Johannes Albertus Ura-
tisL.

*De Examine sui ipsius quoti-
diano.*

Recitabant Pueri,

Johannes Rudolphus Rosarius Ura-
tisL.

Curriculum Studiorum Pythagorae ex Val. Max.
Christophorus Freymwald UratisL.

Eidyllion Ausonii de Viro Bono,

Ernestus-Ludovicus a Mueschelsnig/

Epigramma Incerti de Litera pythagorae,

Georgius-Fridericus ab Arbat/

Apophthegma quoddam Pythagorae,

Martinus Guffe UratisL.

Apophthegma aliud ejusdem,

Albericus Schrotius

Henricus Seliger

} UratisL.

Colloquium de Silentio & Convictu Pythag.

*Ille Pythagorae, hic Discipuli personam reprae-
sentaturus.*

Henricus Sibuski dicet

Epilogum.

F I N I S.

(o)



Biblioteka Jagiellońska



stdr0010000

